

**«Kazakhstan Bar Association»  
Заң консультанттары палатасы  
Мүшелерінің Жалпы жиналысының  
2019 жылғы 2 тамыздағы шешімімен  
«БЕКІТІЛДІ»**



**Заң консультанттарының  
кәсіби мінез-құлық  
қағидалары**

1. Кәсіби қызметін жүзеге асыру кезінде «Kazakhstan Bar Association» Заң консультанттары палатасының мүшелері болып табылатын заң консультанттары (бұдан әрі – Палата) барлық жағдайда өздерінің кәсібіне төн абырой мен қадір-қасиетті сақтауға міндетті.  
Кәсіби мінез-құлық қағидаларын сақтау қажеттілігі Палатаға мүше болып кіру фактісінен туындайды.
2. Заң консультантының кәсіби тәуелсіздігі оған деген сенімнің қажетті шарты болып табылады. Заң консультанты сенімге қаяу түсіруге бағытталған әрекеттерден аулақ болуға тиіс. (Заң консультантына сенім құпиялықтың сақталатынына сенімділіксіз мүмкін емес). Заң консультантына белгілі болған және оның заң көмегін көрсету жөніндегі қызметіне байланысты кез келген ақпарат ол үшін құпия болып табылады. Құпиялықты сақтау уақыт шеңберімен шектелмейді. Заң консультанты клиент туралы құпия ақпаратты оның жазбаша келісімімен ғана жария ете алады. Қазақстан Республикасының қолданыстағы заңнамасында белгіленген тәртіппен сот және құқық қорғау органдары құпия ақпаратты сұратқан жағдайларды қоспағанда, заң көмегі көрсетілетін тұлғадан басқа ешкім заң консультантын құпиялықты сақтау міндетінен босата алмайды.
3. Кәсіби қызметін жүзеге асыру кезінде заң консультанты:
  - Қазақстан Республикасының Конституциясын, Қазақстан Республикасының қолданыстағы заңнамасын, Палатаның Жарғысын және басқа да ішкі құжаттарын, сондай-ақ осы Қағидаларды басшылыққа ала отырып, өзінің міндеттерін адал, ақылға қонымды түрде, адал ниетпен, білікті, принципті және уақтылы орындайды, сенім білдірушілердің құқықтары мен заңды мүдделерін заңнамамен тыйым салынбаған барлық тәсілдермен белсенді түрде қорғайды;
  - өзінен заң көмегін сұрап келген адамдардың, әріптестерінің және басқа тұлғалардың құқықтарын, ар-намысы мен қадір-қасиетін құрметтейді, іскерлік қарым-қатынас мәнерін және іскерлік киім үлгісін сақтайды.
4. Заң консультантының мынаған құқығы жоқ:
  - заң консультантына заң көмегін сұрап жүгінген тұлғаның заңды мүддесіне қайшы әрекет етуге, оған заң көмегін көрсету кезінде өзінің бас пайдасын, адамгершілікке жат мүддесін басшылыққа алуға немесе сырттан жасалған қысымның әсерінде болуға;
  - заң көмегіне мұқтаж адамдарға өзінің көмегін күштеп таңуға және сот қызметкерлерімен жеке байланыстары, азаматтық істерді оңтайлы шешуге уәде беру және басқа да лайықсыз тәсілдер арқылы оларды тартуға;
  - істі талқылау процесіне қатысу кезінде талқылауға қатысушы басқа адамдардың, тіпті олар әдепсіз мінез-құлық танытса да, абыройы мен қадір-қасиетін кемітетін пікір айтуға жол беруге.
5. Заң консультанты заң көмегін сұрап жүгінген адамда заң консультанты өзінің міндеттерін адал орындаудан басқа тәсілдермен нәтижеге ықпал ете алады деген негізсіз үмітті немесе түсінікті тікелей немесе жанама түрде тудыруы мүмкін болатындай заң көмегін көрсетудің нәтижесіне қатысты заң көмегіне жүгінген адамды сендіруге және кепілдік беруге құқылы емес.
6. Егер тапсырманы орындау бұрын қабылданған басқа тапсырманы орындауға кедергі келтіретін болса, Заң консультанты оны қабылдамауы керек.
7. Заң консультанты сенім білдірушіге борышкерлік тәуелділікке немесе басқа тәуелділікке кірмеуге тиіс. Заң консультанты сенім білдірушілермен ағайынгершілік қарым-қатынасқа жол бермеуге тиіс.

8. Заң консультантының мамандығында заң мен адамгершілік заң көмегіне жүгінген клиенттің еркінен биік тұрады. Клиенттің заңды сақтамауға немесе осы Қағидаларда немесе Әдеп кодексінде көзделген ережелерді бұзуға бағытталған кез келген тілектерін, өтініштерін немесе нұсқауларын заң консультанты орындауға тиіс емес.
9. Заң қызметін көрсету шарты тоқтатылған кезде заң консультанты клиентке іс бойынша одан алынған барлық түнұсқа құжаттарды және сенімхатты дереу қайтаруға міндетті.
10. Заң консультанты басқа заң консультанттарымен, сондай-ақ адвокаттармен қарым-қатынасын өзара сыйластық пен олардың кәсіби құқықтарын сақтаудың негізінде құрады.
11. Заң консультанты кәсіби қызметін жүзеге асыру барысында құжаттарды рәсімдеу және мәлімдеме жасау кезінде басқа заң консультантының, адвокаттың арнамысын, қадір-қасиетін кемітетін немесе іскерлік беделін түсіретін сөздерді қолданудан аулақ болады.
12. Заң консультанттарының арасындағы қарым-қатынас іске қатысушы тараптардың мүдделерін қорғауға әсер етпеуге тиіс. Заң консультанты жолдастық немесе қандай да бір басқа қарым-қатынас үшін сенім білдірушінің мүддесінен бас тартуға құқылы емес.
13. Заң консультантының адвокаттық қызмет және заң көмегі туралы заңнаманың талаптарын, Палатаның Жарғысын және ішкі құжаттарын, осы Қағидаларды қасақана немесе өрескел абайсыздықта бұзуы Палатаның Жарғысында және Палата бекіткен Тәртіптік ықпал ету шаралары туралы ереже көзделген тәртіптік жауапкершілік шараларын қолдануға әкеп соғады.